



Broj/Број: 4/1-50-1-83-20/05
Sarajevo/Сарајево: 03.03.2005. godine

ZAPISNIK

Dvadesete sjednice Zajedničke komisije Parlamentarne skupštine BiH za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH.

Sjednica je održana 03.03. 2005. godine, u vremenu od 9,00 do 10,00 sati.

Sjednici su prisustvovali članovi Zajedničke komisije: Boško Šiljegović, Branko Zrno, Seada Palavrić, Šefik Džaferović, Adem Huskić, Momčilo Novaković, Vinko Zorić, Osman Brka, Halid Genjac, Vinko Radovanović i Anto Spajić.

Sjednici nije prisustvovao Mirko Blagojević.

Sjednici su prisustvovali i predstavnici OSCE-a Cristian Haupt i Rodolphe Oberle.

Pored članova, sjednici je prisustvovala Dragica Hinić, privremeni sekretar Komisije i Željko Grubešić, ekspert za pomoć u radu Komisije.

Za raspravu na sjednici predložen je slijedeći

DNEVNI RED:

1. Verificiranje zapisnika 19. sjednice Zajedničke komisije;
2. Razmatranje Izvještaja o sprovedenoj istrazi za utvrđivanje sistemskih slabosti komande i kontrole nad Oružanim snagama BiH (Ministarstvo odbrane BiH);
3. Razno:
 - Izvještaji o posjeti BH MAC-u i Interpolu;
 - Informacija o održanom sastanku s ambasadorom Švajcarske.

Ad.1. Zapisnik 19. sjednice Zajedničke komisije

Članovi Zajedničke komisije jednoglasno su usvojili zapisnik 19.sjednice Komisije.

Ad.2. Razmatranje Izvještaja o sprovedenoj istrazi za utvrđivanje sistemskih slabosti komande i kontrole nad Oružanim snagama BiH (Ministarstvo odbrane BiH)

Boško Šiljegović dao je uvodne napomene o Izvještaju o sprovedenoj istrazi za utvrđivanje sistemskih slabosti komande i kontrole nad Oružanim snagama BiH, koji je sačinilo Ministarstvo odbrane na zahtjev Visokog predstavnika za BiH.

Osman Brka potom je istaknuo osnovnu primjedbu na dio Izvještaja koji obrađuje ustanovljenje greške lica prilikom isplate plaća osumnjičenim za ratne zločine. Po njegovom mišljenju javnost mora biti upoznata sa imenima lica koja su vršila takve isplate i oni moraju odgovarati za svoje postupke.

Vinko Zorić imao je suprotno mišljenje od mišljenja prethodnika i smatra da se niko ne može okriviti dok zvanična istraga i sud ne utvrde krivicu. U praksi se dešava da se neka osoba, pretežno

političar nepravedno okriviti i doživi niz neprijatnosti, a potom bude oslobođen optužbe ne doživjevši adekvatnu satisfakciju onom što je proživjeo. U ovom slučaju jedino Zajednička komisija i Dom mogu tražiti da budu informirani o daljem toku istrage, a da to ne ide dalje u javnost dok sud ne utvrdi konačno sve činjenice i donese odluku.

Halid Genjac je naveo da je Izvještaj ozbiljno i temeljito urađen. Predložio je potom zaključak kojim bi se Ministarstvo odbrane BiH obavezalo da o daljnjim aktivnostima vezanim za slabosti sistema komandovanja, koje podrazumjevaju i proces utvrđivanja krivične odgovornosti lica identificiranih za isplatu plaća optuženim za ratne zločine, blagovremeno obavještava ovu komisiju i Parlamentarnu skupštinu BiH u cjelini.

Adem Huskić također je naveo da je Izvještaj korektan s obzirom na kapacitet Ministarstva odbrane, te ga treba usvojiti i uputiti domovima u dalju parlamentarnu proceduru. Potom je aktuelizirao pitanje popune ovog ministarstva i predložio da se domovima preporuči usvajanje zaključka o potrebi dalje popune ljudstvom Ministarstva odbrane. Za neku od narednih sjednica predložio je da od Ministarstva odbrane Komisija zatraži informaciju o stanju priprema deminerske jedinice koja treba ići u Irak.

Branko Zrno saglasan je da je Izvještaj temeljit i da nije problem Izvještaj već je problem suština koja je dovela do samog Izvještaja. U odnosu na pitanje popune ljudstvom Ministarstva odbrane, naglasio je da je to pitanje razmatrano na prethodnoj sjednici Komisije za reformu odbrane i da ovaj proces mora biti okončan u što kraćem roku.

Po okončanoj raspravi članovi Zajedničke komisije jednoglasno su usvojili Izvještaj, zajedno sa **zaključkom** kojim se Ministarstvo odbrane BiH obavezuje da o daljnjim aktivnostima vezanim za slabosti sistema komandovanja, koje podrazumjevaju i proces utvrđivanja krivične odgovornosti lica identificiranih za isplatu plaća optuženim za ratne zločine, blagovremeno obavještava ovu komisiju i Parlamentarnu skupštinu BiH u cjelini.

Izvještaj se upućuje domovima Parlamentarne skupštine BiH na razmatranje, s prijedlogom za usvajanje.

Ad.3. Razno:

a) Izvještaji o posjeti BH MAC-u i Interpolu jednoglasno su prihvaćeni.

Prilikom razmatranja ove tačke **Šefik Džaferović** je istaknuo da je nakon obavljenih posjeta nekoliko institucija uočen određen broj problema i da je Zajednička komisija tim povodom usvojila određene zaključke i mjere. Takav je slučaj i sa BH MAC-om i Interpolom. Kako bi ti zaključci i mjere bili osnaženi, mišljenja je da se trebaju posebno navesti i predložiti domovima njihovo usvajanje.

Seada Palavrić predložila je da se u okviru navedenih zaključaka i mjera za domove uvrste i zaključci vezani za DGS-u.

Po okončanoj raspravi jednoglasno je usvojen **zaključak** da se iz izvještaja sačinjenih prilikom dosadašnjih, ali i svih narednih posjeta institucijama za čije praćenje i parlamentarni nadzor je nadležna Zajednička komisija, sačini prijedlog zaključaka i mjera koji bi bio upućen domovima Parlamentarne skupštine BiH na usvajanje.

b) Informacija o održanom sastanku predsjedništva Zajedničke komisije s ambasadorom Švajcarske primljena je k znanju.

U okviru ove informacije članovi Zajedničke komisije informirani su i o okončanju pripremnih aktivnosti vezanih za predstojeću posjetu Švajcarskoj. Kako je ostalo jedno upražnjeno mjesto za odlazak u ovu zemlju, prihvaćen je prijedlog da se delegaciji priključi Aljoša Čampara.

c) Članovi Zajedničke komisije informirani su o potvrdi termina posjete Zboru Slovenije i nadležnom odboru za oblast odbrane i sigurnosti, 14. i 15. aprila tekuće godine. Troškove posjete za članove i osoblje Zajedničke komisije snosit će OSCE, a na put će ići svi članovi, izuzev Šefika Džaferovića, koji ima ranije dogovorene aktivnosti, te sekretar i ekspert.

- d) Članovi Zajedničke komisije informirani su odgodi termina prezentacije uloge EUFOR-a 10.03.2005. godine zbog iznenadno zakazane sjednice Predstavničkog doma. Također, prihvaćen je prijedlog predstavnika NATO-a da se prezentacija uloge ovih snaga održi 23. 03.2005. godine u vremenu od 15,00 do 16,30 sati, a da isti dan, u vremenu od 12,00 do 14,00 sati, Zajednička komisija posjeti SIPA-u.

Zapisnik sačinila:
Dragica Hinić

Privremeni predsjedavajući
Zajedničke komisije:
Boško Šiljegović